

## VEČER KUR'ANA I DŽEMATA

U subotu, 19. 3. 2011. godine, u sklopu redovne vjerske tribine „Večer Kur'ana i džemata“, predavanje na temu „Čitaj Kur'an kao da je tebi objavljen“ održao je **dr. sc. Sead ef. Seljubac**, profesor tefsira u Behram-begovoj medresi u Tuzli. Profesor Seljubac je i magistrirao i doktorira na Fakultetu islamskih nauka u Sarajevu iz oblasti tefsira.

Bila je to još jedna u nizu večeri koje će posjetioци tribine „Večer Kur'ana i džemata“ trajno upamtiti; ne samo zbog velikog broja džematlija, koji su, usprkos brojim paralelnim događajima kako u Zagrebačkoj džamiji, tako i u Gradu Zagrebu, napunili dvoranu „H. Salim Šabić“, koliko zbog izvanrednog predavanja profesora Seljubca, koji je na stručan i razumljiv način približio prisutnima načine i mogućnosti čitanja kur'anskih ajeta te ponudio moguće načine njihove primjene u praksi. A Kur'an, pogotovo u prijevodu, moramo čitati kao da se nama direktno i sada objavljuje...

Kur'ansko geslo „čujem i pokoravam se“ koje čovjeka približava njegovu Stvoritelju Allahu dž.š. i trajnoj sreći, mora postati životno geslo svakom muslimanu i muslimanki. No od „čujem“ ili „čitam“ do „pokoravam se“, dugotrajan je i zahtjevan put, kojeg nema bez svakodnevnog čitanja Kur'ana. Jedno od mogućih čitanja i razumijevanja kur'anskog teksta prof. Seljubac je ponudio na primjeru kur'anskog poglavlja El-Kijameh/KIJAMETSKI DAN.

*Mirza Mešić*